

元稹唐柳先生文集

咫進齋藏



增廣註釋音辯唐柳先生集卷之三十六

啓

上權德輿補闕温卷啓

時年十八

有决准浪

補闕執事宗元聞之重遠輕邇賤視貴聽所由古矣切以宗

元幼不知耻少又躁進拜揖長者自于幼年是以遷俊造之

末跡造初切劇牒計之下列賈藝求售賈音古聞無善價善音覓

切載文筆而都儒林者匪親乃舊率皆携撫相示談笑見昵

啞伊逡巡為達者啞啞一音七倫切無乃觀其樸者鄙

其成狎其幼者薄其長耶將行不拔異操不砥礪學不該廣

文不炳耀實可鄙而薄耶今鴛鴦充朝而獨干執事者特以

顧下念舊收接儒素異乎他人耳敢問厥由庶幾告之俾識

去就幸甚幸甚今將慷慨激昂奮攘布衣縱談作者之筵曳

裾各鄉之門抵掌我弁厚自潤澤進越無慙汗達者之視聽

狂狷愚妄固不可為也復欲俛默惕息疊足榻翼拜祈公侯
之閭跪邀賢達之車竦魂慄股兢恪危懼榮者倦之彌忿厥
心又不可為也若慎守其常確執厥中固其所矣則又色平
氣柔言訥性魯無特達之節無推擇之行瑣瑣碌碌一孺子
耳孰謂其可進孰謂其可退抑又聞之不鼓踴無以超泥塗
不曲促無以由險艱不守常無以處明分不執中無以趨夷
軌今則鼓踴乎曲促乎守其常而執厥中乎浩不知其宜矣
進退無倚宵不違寐乃訪于故人而咨度之其人曰補闕權
君著名踰紀行為人高言為人信力學拔文按以時儕稱雄
時一本子亟拜之足以發揚對曰袁燕石而獲玄圃宋人得
為室周客觀之笑曰此燕石也與角鬣不殊帶魚目而游漲
又崑崙山有玄圃晉書云若玄圃之積玉海文選盧諶詩序夜光報於魚目抵取謂耳曷予補乎其人
注夜光寶珠也魚目亂真珠也曰跡之勤者情必生焉心之恭者情必報焉况子之文不甚

鄙薄者平苟或勤以奉之恭以下之則必勗勵爾行輝耀爾
能言為建瓴建音響瓴音零長發夕被聲馳而響溢風振而
草靡可使尺澤之鯢鯢音奚奮鱗而縱海密網之鳥舉羽而翔
霄子之一名何足就矣庶為終身之遇乎曷不舉馳聲之資
挈成名之基授之權君然後退行守常執中之道斯可也愚
不敏以為信然是以有前日之拜又以為色取象恭大賢所
飲朝造夕謁大賢所倦性頗踈野竊又不能是以有今茲之
問仰惟覽其鄙心而去就之潔誠齋慮不勝至願謹再拜
上大理崔大卿應制舉啓一本啓字上
古之知己者不待來求而後施德舉能而已其受德者不待
成身而後拜賜感知而已故不叩而享不介而合則其舉必
至而其感亦甚斯道遁去遼闊千祀何為乎今之世哉若宗
元者智不能經大務斷大事非有恢傑之才學不能探奧義

窮章句爲腐爛之儒雖或實力於文學勤勤懇懇于歲時然而未能極聖人之規矩恢作者之聞見勞費翰墨徒爾拖逢掖曳大帶游於朋齒且有愧色豈有能乎哉閣下何見待之厚也始者自謂抱無用之文戴不肖之容雖振身泥塵仰晞雲霄何由而能哉遂用收視內顧頰首絕望頰與甘以沒沒也今者果不自意他日瑣瑣之著述幸得流於衽席接在視聽閣下乃謂可以蹈遠大之途及制作之門決然而不疑介然而獨德是何收採之特達而顧念之勤備乎且閣下知其爲人何如哉其兒之美陋質之細大心之賢不肖閣下固未知也而一遇文字志在濟拔斯蓋古之知己者已故曰古之知己者不待來求而後施德者也然則亟來而求者誠下科也宗元向以應博李宏詞之舉會閣下辱臨考第司其升降當此之時意謂運合事并適丁厥時其私心日以自負也無

何閣下以鯁鱗之勢不容尺澤悠爾而自放廓然而高邁其不我知者遂排逐而委之委之誠當也使古之知己猶在豈若是求多乎哉夫仕進之路昔者竊聞于師矣太上有專達之能乘時得君不由乎表著之列而取將相行其政焉其次有文行之美積能累榮不由乎舉甲乙歷科第登乎表著之列顯其名焉又其次則曰吾未嘗舉甲乙也未嘗歷科第也彼朝廷之位吾何修而可以登之乎必求舉是科也然後得而登之其下不能知其利又不能務其往則曰舉天下而好之吾何爲獨不然由是觀之有愛錐刀者以舉是科爲悅者也有爭尋常者以登乎朝廷爲悅者也有慕權貴之位者以將相爲悅者也有樂行其政者以理天下爲悅者也然則舉甲乙歷科第固爲末而已矣得之不加榮喪之不加憂苟成其名於遠大者何補焉然而至於感知之道則細大一矣成

敗亦一矣故曰其受德者不待成身而後拜賜然則幸成其
身者固末節也蓋不知來求之下者不足以收特達之士而
不知成身之末者不足以承賢達之遇審矣伏以閣下德足
以儀世才足以輔聖文足以當宗師之位學足以冠儒術之
首誠為賢達之表也顧視下輩豈容易而收哉而宗元樸野
昧劣進不知退不可以言乎德不能植志於義而必以文字
求達不可以言乎才秉翰執簡敗北而歸不可以言乎文登
場應對刺繆經旨切勅也不可以言乎學固非特達之器也
付省陋質豈容易而承之哉叨冒大遇穢累高鑒喜懼交爭
不克寧居竊感荀瑩如實出己之德荀瑩音嬰左傳成公二年
荀瑩之在楚也亦賈人
有將實褚中以出既謀之未行而楚人
歸之賈人如晉荀瑩善視之如實出己敢希豫讓國士遇我
之報史記伏候門屏敢俟招納謹奉啓以代投刺之禮伏惟
以知己之道終撫薦焉不宣宗元謹啓

上裴晉公度獻唐雅詩啓

宗元啓伏以周漢二宣中興之業歌於大雅載在史官然而
申甫作輔方召專淮夷之功申伯甫侯魏邴謀篡幸趙致罕
羌之績魏邴吉辛武賢趙充國文武所注中外
莫同伏惟相公天授皇家聖賢克合謀叶德一以致太平入
有申甫魏邴之勤出兼方召辛趙之事東取淮右平吳元北
服恒陽恒陽恒州也謂成德節度使王略不代出功無與讓
故天下文士皆願秉筆牘勤思慮以贊述洪烈闡揚大勳宗
元雖敗辱斥逐守在蠻裔猶欲振發枯槁決疏潢汙罄效虫
鄙少佐豪髮謹撰平淮夷雅二篇恐懼不敢進獻私願徹聲
聞于下執事庶宥罪戾以明其心出位僭言惶戰交積無任
踊躍屏營之至不宣宗元謹啓

上襄陽李僕射懋獻唐雅詩啓

宗元啓昔周宣中興得賢臣召虎師出江漢以平淮夷故其詩曰江漢之訥王命召虎音虎其卒章曰于周受命自

召祖命以明虎者召公之孫克承其先也今天子中興而得閣下亦出江漢以平淮夷克承于先西平王李晟封西平王其

事正類然而未有嗣大雅之說以布天下以施後代豈聖唐之文雅獨後於周室哉宗元身雖陷敗而其論著往往不為

世屈意者殆不可自薄自匿以墜斯時苟有輔萬分之一雖死無憾謹撰平淮夷雅二篇齋沐上獻誠醜言淫聲不足以

當金石度繼代洪烈裨官里人得採而歌之裨蒲瀾切前漢志小說家者流蓋出於裨官注細米為裨街談巷說其細碎之言也王者欲知閭巷風俗故立裨官使抄說之又國語云為里人所命次宰也不勝憤踊之至輕瀆威重戰越交深謹啓

上揚州李吉甫相公獻所著文啓

宗元啓始閣下為尚書即薦寵下輩士之顯於門閨者以十

數而其尚幼不得與於斯役及閣下遭讒姦在外十餘年又

不得效薄伎於前以希一字之褒貶公道之行也閣下乃始

為贊書訓辭擅文雅於朝以宗天下永貞元年李吉甫為考

為中書舍人翰林李吉甫而其又以此時去表著之位受放逐之罰存仍

囚錮視日請命進退違背思欲一日伏在門下而不可得常

恐抱斯志以沒卒無以知於門下冥冥長懷魂魄幽憤故敢

及其能言責書編文冒昧嚴威以畢其志伏惟觀覽焉幸甚

幸甚閣下相天子致太平用之郊報則天神降地祇出用之

經邦則自貨殖萬物成用之文教則經術興行用之武事則

暴亂翦滅依倚而冒榮者盡去幽隱而懷道者畢出然後中

分主憂以臨東諸侯而天下無患元和二年九月李吉甫罷為淮南節度使盛德

大業光明如此而又有周公接下之道斯宗元所以廢錮瀆

死而猶欲致其志焉閣下倘以一言而揚舉之則畢命荒裔

固不恨矣謹以雜文十首上獻縲囚而干丞相大罪也寧為有聞而死不為無聞而生去就乖野不勝大懼謹啓

謝李吉甫相公示手札啓

宗元啓六月二十九日衡州刺史呂溫道過永州辱示相公手札省錄狂瞽收撫羈縲沐以含弘之仁忘其進越之罪感深益懼喜極增悲五情交戰不知所措宗元質性庸塞行能無取著書每成於廢疾進德且乏其馨香常願操筆醫門抄以切筆旋肉肉拘溜蘭室良辰不與夙志多違昨者踊躍殘魂奮揚蓄念激以死灰之氣陳其弊箒之詞詞本作辭同第正西切曹子建書云家有弊箒致之煙霄分絕流眄今則垂露在手清風入懷華袞濫褻於赭衣赭音者前漢注龍門俯收於培井子子獨不聞夫鷲井之蚌藻鏡洞開而秋毫在照文津傍暢而寒谷生輝化幽鬱之志若覲清明換兢危之心如承撫薦非常之幸豈

獨此生伏以淮海劇九天之遙瀟湘參百越之俗傾心積念

長懸星漢之上流形委骨永淪魑魅之群魑魅知切昧莫覲

之地與魑魅為羣何以報恩唯當結草左傳黑無任喜懼感戀之至

上江陵趙相公寄所著文啓趙宗

宗元啓宗元往者嘗侍坐於崔比部崔鵬字聞其言曰今之

為文莫有居趙司勳右者貞元年趙宗儒自翰林自是恒欲

飾其所論著薦之閣下病其未就將進且退者殆十數焉幸

以廢逐伏匿獲伸其業類於向者若有可觀然又以罪惡顯

大甘死荒野不能出其固陋以求知於閣下則固昧昧徒生

於世矣謹獻雜文十首倘還以數字定其是非使得存於世

則雖生與蠻夷居魂與魑魅游所不辭也輕瀆威重伏增惶

灼一作謹謹啓

上嚴東川寄劔門銘啓嚴礪

負泥塗者遂自濯於清源快心暢目不知所喻伏以
道與其進也不保其往故敢薄飾文字洗滌心神致之門下
祇俟嚴命伏惟收撫獎勵以成其終謹獻雜文三十六首冒
昧上瀆無任踴躍惶恐之至

上李中丞所著文啓中丞

宗元啓宗元無異能獨好為文章始用此以進終用此以退
今者畏罪悔咎伏匿端慄猶未能去之時時舉首長吟哀歌
舒吐幽憤因取筆以書紉幸而編中坡略成數卷伏念閣下
以文章昇大僚統方隅而宗元幸緣罪辜得與編人齒於部
內不以此時露其所為以希大君子顧視則為陋劣而自奔
也敢飾近文及在京師官命所尊者凡三卷合四十二卷不
敢繁故也倘或以為有可采者當繕錄其餘以增凡席之污
去就鄙野伏用兢惶謹啓

裴行立中丞撰警家洲記啓警即後切又音紫

分令撰警家洲亭記伏以境之殊尤者必待才之
其詞今是亭之勝甲於天下而猥顧鄙陋使為之
不命不敢固讓退自揣度惕然汗流累奉游宴切觀
以摸擬不得萬一竊伏詳忖進退若墜久稽篆刻則
之辜速課空薄又見踈蕪之累憊期廢事尤所戰慄
修撰誌上獻退自跼踏音局不知所裁無任墮越惶

上河陽烏尚書重胤欲獻文啓陽烏尚書啓

啓伏以尚書以碩德偉才代著勲烈兩河定亂三城建

重胤少為潞州牙將盧從史奉詔討王承宗陰與賊通和五年重胤縛從史以獻憲宗嘉重胤功擢帥河陽
城節度使曰河鼎彝竹帛未足云紀進臨汝上元和九年
州刺史充河陽控制東方隳然長城朝野倚賴宗元雖

升遐壤而飽聞德聲所恨不獲親執鞭弭以備戎任此其左執鞭弭夙夜踊躍不克寧居伏以威稜所加狂此引未無象者震謂足莫大之績重復增崇小子以以文字進身嘗好音兼事業專當具筆札拂縑緗音兼贊揚大功垂之不朽瞻澳亦慕交深冒瀆威嚴伏增戰越

音辯唐柳先生集卷之三十一

增廣註釋音辯唐柳先生集卷之三十一

表

禮部為百官上尊號表

憲宗御位宗元尚為禮部員外郎
作此表後元和三年農宗方上等號

臣某言伏以聖王之業承天位也臣子必竭懇誠獻尊號安敢為佞禮在其中一則以告天地神祇二則以奉宗廟社稷三則以安華夏變豹鏡之大稱其可廢乎臣等誠懼誠望頓首頓首伏惟皇帝陛下叶周文之孝德齊大禹之約身弘帝堯之法天過殷湯之解網未逾周月四海將致於時雍俯及元正率土更欣於再造然神人之願億兆之情有所不安率謂未足善者以為帝德廣遠而尊號猶闕郊廟備禮而祝嘏无辭綴玷凡百兢懷華夷為望臣謹按昔皐陶之頌舜伊尹之頌湯皆臣子至公而揚君父以敷於當代以播於無窮夫

豈飾哉率由事實帝王尊號蓋漸於此皇家光被四表祖宗
列文時當太和尊號表德耳目所接簡牘斯存稽之於前典
則如彼考之於聖朝又如比今龜筮習吉元正戒期當品物
惟新之時乃皇王大禮之日陛下郊天地饗宗祧此謂廟陰
陽協和動植交暢不建至尊之稱此謂天惟陛下小謙讓之節安延企之
臣等冒死陳聞請上徽號伏惟陛下此謂天情特詔名儒孔官百寮張尹詳明故實議崇聖德則人望允
厭神心獲安山川效靈光贊无疆之壽祝史陳言信字本求
彰不朽之功臣等蒙國寵榮備位班列無任懇望之至

第二表

臣某等言臣等再陳丹懇請獻鴻名天心未從隕越無措臣
某誠惶誠恐頓首頓首謹按堯曰咨爾舜舜曰格爾禹湯曰
吾自甚武自號曰武王此謂堯舜禹湯皆當時王者之

號也考皇帝之故實徵往聖之憲章允協禮經煥乎圖牒伏
惟皇帝陛下允恭克讓約已謙尊參天兩地之功爲而不有
安上理人之德置而不論至心王言非群下所仰望也然臣
等伏以爲尊號者所以類上帝饗祖宗万人所稱百靈所仰
表聖德於率土播天聲於无疆臣下請之之謂禮帝王承之
之謂孝孝大於謚禮先於謙百王不刊之典安可得而廢也
臣等又以春秋本於五始元者一歲之首春者四時之首王
者受命之首正月者政教之首郊天大禮者立極之首今天
地交泰俯臨元辰正始之美正當其運陛下確違群願固守
謙冲此臣等所以兢惕失圖惴惴无措上冒嚴憲敢逃厚責
伏乞俯垂天聽察納微誠詔孔官議臣所請揆日推禮虔奉
鴻休及敬於此猶恐天光未照三獻无徵彷徨闕庭伏待斧
鑕職日无任登望之至

豈飾哉率由事實帝王尊號蓋漸於此皇家光被四表祖宗
列文時當太和尊號表德耳目所接簡牘斯存稽之於前典
則如彼考之於聖朝又如此今龜筮習吉元正戒期當品物
惟新之時乃皇王大禮之日陛下郊天地饗宗祧他廟陰
陽協和動植交暢不建至尊之稱天恐違列聖之心所以
臣等冒死陳聞請上徽號伏惟陛下小謙讓之節安延企之
情特詔名儒孔官百寮庚尹詳明故實議崇聖德則人望允
厭神心獲安山川效靈光贊无疆之壽祝史陳言信字本求
彰不朽之功臣等蒙國寵榮備位班列無任懇望之至

第二表

臣某等言臣等再陳丹懇請獻鴻名天心未從隕越無措臣
某誠惶誠恐頓首頓首謹按堯曰咨爾舜舜曰格爾禹湯曰
吾自甚武自號曰武王出紀則堯舜禹湯皆當時王者之

號也考皇帝之故實徵往聖之憲章允協禮經煥乎圖牒伏
惟皇帝陛下允恭克讓約已謙尊參天兩地之功爲而不有
安上理人之德置而不論至心王言非群下所仰望也然臣
等伏以爲尊號者所以類上帝饗祖宗万人所稱百靈所仰
表聖德於率土播天聲於无疆臣下請之之謂禮帝王承之
之謂孝孝大於謚禮先於謙百王不刊之典安可得而廢也
臣等又以春秋本於五始元者一歲之首春者四時之首王
者受命之首正月者政教之首郊天大禮者立極之首今天
地交泰俯臨元辰正始之美正當其運陛下確違群願固守
謙冲此臣等所以兢惕失圖惴惴无措上冒嚴憲敢逃厚責
伏乞俯垂天聽察納微誠詔禮官議臣所請揆日推禮虔奉
鴻休及敬於此猶恐天光未照三獻无徵彷徨闕庭伏待斧
鑕職日无任聳望之至

禮部賀冊尊號表

元和十四年作宗元時為柳州刺史當題云柳州賀冊尊號表

臣某伏奉月日制陛下膺受尊號率土臣子慶抃无窮臣聞立極之大四海无以報神功配天之尊万物不能崇聖德唯
謝有徽號是彰中具所以上探天心下極人欲伏惟元和聖文神武法天應道皇帝陛下統承千載光被六幽蠱賊尽除福應皆集有首有趾咸識太平勲臣增爵祿之榮戎士加賞延之寵片善必錄微功尺昇獨惟聖慕事絕酬答万国缺望
補理歷凝命寔曰聖文和衆定功時惟神武運行有法天之用
又变化乃應道之方鬼神協謀夷夏同志大禮既建鴻恩遂行
下歡呼遠布於九圍
師字滲漉普周於八裔
所禁切又所錦
下慶超遂古美冠將來臣獲守亦靈荒遠承大典潢汚比陋河

清幸遂於千年塵壤均微山呼願同於萬歲无任慶賀屏營

之至
屏營

為京兆府請復尊號表三首

德宗時宗元為藍田尉作

臣某言某月日諸縣耆老某等若干人詣臣陳狀辭意迫切以陛下尊號未復請詣闕上表者人心已鬱安可久違天意實勤諒難固拒况狀感悅深契微誠臣某誠懇誠迫頓首頓首伏惟皇帝陛下聖神之功貫於天地文武之道超乎古今
德宗建中元年羣臣上尊號曰聖文武皇帝盛德愈大而謙光益深玄化已成而徽號未復遂使神祇缺望人庶怨思沐浴鴻澤者敢懷晷刻之安捧戴皇恩者不知寢食之適負愧懷憤万方一心日日以冀遂淹星歲况今地不愛宝致百穀之豐稔天惟降衷呈衆瑞而繁委汚萊瘠鹵之地混成大田
備也
來作來
秦亦切
鳥也
草木蟲獸之微化為神賦万靈垂

鑒昭然甚明此而不從臣所大感矧又兵戎永戢夷狄咸懷
昭然長春昭一本樂以終日是以耆老等深感聖育踴躍不
寧上奉天恩跼蹐知懼弱音頓顙闕下願復鴻名不謀而
同無期而至此皆上玄幽贊以誘其衷列聖垂靈以悟其意
臣以為陛下當敬于斯旨不可忽也臣又伏以陛下賞功與
能率賢出滯小言不廢片善是褒豈可使臣子之效雖微而
必旌君父之德盡美而無稱凡在覆載一本此下更有不勝
懇倒恐懼之至一本恐懼謹封耆老等狀奉表昧死陳請以
聞謹言

第二表 闕

第三表

臣某言臣伏以耆老等並發丹誠將貫白日請復徽號以光
聖謨臣以其懇欵自中不可禁止遂抗表陳請備述微誠伏

奉黑詔批荅未蒙允許者衆心尚阻天意未從懇迫逾深兢
惶無措臣某伏惟皇帝陛下道大益謙化成彌損雖江海善
下每應朝宗之心老子云江海所以能為下者以其善下也而日月居高久稱
照臨之位况復上承天命下觀人誠若然辭之理有不可伏
以陛下功參造化政體乾坤萬邦宅心百靈效職此聖之至
也明並兩曜信如四時先天不違窮神知化此神之極也道
德純被禮樂典行宸翰動於三光睿藻窮於六義此文之備
也五兵不試周禮五兵注戈七德咸宣左傳襄公十二年夫
功安民和衆禮殊方者知歸負固者率服此武之成也黃龍
財也武有七德皓兔甘露慶雲神禾嘉瓜祥蓮端木萬物暢遂百穀茂滋此
天之至靈也黎老班白伏守闕庭鰥嫠童幼嬰陵切誰歌道路
此人之至誠也有其德而無其號拒乎天而違乎人雖陛下
謙讓之至美抑非臣心之所安也伏以賤志難明微誠莫達

戴天弥懼履地益慚不任懇迫屏營之至伏願早建大號以
称天人之心謹再表昧死陳請以聞

為耆老等請復尊號表二首一本无首字

京兆府長安縣耆老臣某等言一本作石靈等臣伏

以陛下尊號未復一十九年盛德彌光大化益被光大大一本

加以休徵咸集福應具臻至於今歲紛紛尤盛風雨必順生

長以時五稼盡登萬方皆稔神意人事正在於斯天不可違

時不可棄臣等誠懇誠迫頓首頓首臣聞恩深必報德盛必

崇以陛下九重之尊推崇无上以陛下四海之大報效何施

唯有尊名用光聖理闕然未復誰所敢安臣心則微天意甚

重伏惟皇帝陛下體昊穹以施化虔上帝以致誠今即千祥

應期百神奉職飛走之物皆已效靈草木之類咸能應聖天

命降於上人誠發於中此而可辭孰云有素况復野多沛稔

畝有餘粮足食之慶充溢於京垣垣与城同直鉅切水中可居曰垣詩魯孫之度如坻

如如真財之謠歡呼於道路盡非人力皆是天成神祇之望既

勤遐迹之心又迫况臣等得生邦甸幸遇盛明身躰髮膚尽

歸於聖育衣服飲食悉自於皇恩被玄化而益深望鴻名而

未覩墜倒之至夙夜不寧謹詣光順門昧死請復聖神文武

之號以副天地宗社之心使海内赤子得安其所臣等不勝

懇倒迫切之至

第二表一本以此表補京兆府請復尊号第一表之闕

京兆府長安縣耆老臣石靈等言伏奉墨詔批臣所請復尊

號未蒙允許者捧對惶遽不知所裁天實命之於臣何有臣

等誠懇誠懼頓首頓首臣聞聖君以奉天為心不以執謙為

德以順人為大不以崇讓為優今陛下深拒天人之誠猶懷

謙讓之道臣等愚惑未知所歸且百祥荐臻特表昊穹之騰

切旨五穀蕃熟用彰后土之勤億兆嗷嗷籲天請命上下交
應幽明同心舉而違之臣所未識况臣等共被仁育同臻大
和陛下德達上玄以豐人之衣食道躋壽域以延臣之歲年
沐浴皇風二十餘載兒童感化鰥寡知恩故臣等出鄉之時
歡呼遍野閭里勉臣以不進不止妻孥誓臣以不遂不歸唯
竭血誠退無面目便當殞首闕下終不徒還伏惟陛下照臣
懇迫之情誠字哀臣羸老之命臣等不勝嗚咽慙恨之至
謹奉表陳謝以聞

禮部為文武百寮請聽政表三首

順宗時
作四首

臣某等言臣聞大道必體於至公大孝莫高於善繼上觀列
聖旁考前王罔不俯就禮文仰承大事嚴奉宗廟慰安元元
然後德教惟新邦家永固伏惟皇帝陛下寢苦泣血苦詩廉
切草也
居喪以號慕无時貫于神明動于天地未臨庶政猶狗至誠

凡在人臣孰不哀懼伏惟先聖遺旨俾陛下抑哀而聽政本
朝乏人使臣等竭忠以奉上非敢懼死輒布懇詞期於必從
以慰寰宇且王業至重軍國方殷一日萬機不可暫闕伏願
追遵顧命蹈履成規恢王者華夷之望順上帝乃眷之懷臣
等不勝哀迫誠懇之至

第一表

晏元祿本據文苑英華此表
乃是林逢請所政第二表

伏奉大行皇帝知陛下至性自天恐陛下執哀過毀上惟九
廟之重下念萬務之殷故遺詔丁寧俾遵舊典今百辟卿士
顯然在庭瞻望清光已七日矣固陳誠請猶未允從內外憂
惶莫知所出臣聞大孝之本繼志為難酌禮之情得少為貴
是以哀迷期數哭泣有常俯而就之聖人所重禮記檀弓上
子思曰先王
之制禮也過之者俯而就
之不至焉者跛而及之知難繼也君子不為同上季子臯
曰買道而葬
後難伏願少抑哀懷仰遵理命理即以副神祇之望以安億

兆之心光祖業於無窮流德化於天下凡在臣子孰不悲戴

又第二表

晏元獻本按文苑英華此乃宗元所作

臣某等言臣聞聖凡殊塗邦家異禮故王者捨己從物用身

許天雖居達喪通也猶以事奪伏以天行皇帝謂德宗道成鑄

鼎仙等御龍黃帝採首山銅鑄鼎荆山下鼎既成有龍垂胡

人因名其萬姓長號平九有顛望陛下以聰明睿聖嗣守寶

圖爰及宅憂迨茲累日而孝思罔極尚輟乃雍之言高宗諒

不言言庶政未釐頽闕如絲之命臣等嘗覽載籍粗知喪紀

若成周顧命歷代猶遵西漢詔音前王所奉詔音一本作遺

以日易月我國家以孝理天下文明應期上用此法胥以傳

授蓋事歸至當則不可不遵禮貴從宜則不得不守理固然

也臣等是以上陳愚懇輕瀆宸嚴冀遂血誠俯親國政而陛

下執喪逾切聽理未聞億兆嗷嗷不知所訴臣以為天子之

孝在於保安社稷司牧丞黎功超百王慶流萬代亦何必守

臣下之小節蔑皇王之大猷固阻羣情務成謙德伏願以遺

詔為念奪在疚之懷就臨軒之制天下幸甚

第三表

伏以萬機至重遺旨難違再獻表章上塵旒宸精誠徒竭天

意未廻内外遑遑人神企望臣聞王者之孝異於匹夫禮不

相公余專道資適變當承平之代故殷帝宅憂而不言商高

遇有事之時則周王未葬而誓眾武紂况今戎車猶駕邊候

多虞兩河之寇盜難除百姓之瘡痍未合亂者思理危者求

安天下嗷嗷正在今日誠宜抑其至性以副羣心成先帝之

大功繼中興之盛業豈可寢苦啜泣啜泣詩廉切庶政闕然九

廟之靈何報萬方之望何塞臣等職參樞近誠切邦家若陛

下未忍臨軒尚持前志臣等有死而已不敢奉詔不勝哀迫

懇切之至

賀踐祚表

順宗即位宗元代節鎮作此

臣某言太子中舍嚴公弼至

公弼乃山南西道節度嚴震之子

奉某月日勅

書慰諭伏承陛下以某月日虔奉典冊允昇寶位凡在羣生

孰不慶幸臣某誠懼誠抃頓首頓首臣聞天地泰而聖人出

雷雨解而品物榮

解下是以五行迭用木火更其位十葉重

光宗廟輔其德殷宗龍默再開成湯之業漢文聰明克承高

祖之緒陛下重離出曜躰乾繼統主鬯彰孝恭之美撫軍著

神武之功欽承遺訓

承一本奉字

永保鴻業道密之中施雨露以

被物遐邇之地覩日月之繼明則四維之外八極之表人神

胥悅草木皆春煦嫗生成不失覆載

煦天以氣煦地以形嫗

况臣謬膺藩守累受國恩爰自出身泊乎領鎮沐浴聖澤優

游昌時不獲覩闕庭之禮展臣庶之分戴天賀聖倍萬恒情

禮部賀改永貞元年表

臣某等言伏奉今日誥今月九日冊皇帝改貞元二十一年

為永貞元年自貞元二十一年八月五日時葵以前應犯死

罪特降從流流已下遞降一等者贖命方始聖曆周彰載宣

臨照之明遂施渙汗之澤臣某等誠慶誠賀頓首頓首伏以

重光下濟積慶旁行漢祖推奉教之尊

前漢高祖紀曰天子尊歸於朕

被聖執鏡平暴亂立諸侯皆大

文王遂無憂之志

中庸无憂者其唯文

流汪濊於四海滅於廢鳥外二切江歡呼抃蹈遐邇攸同臣

某等親奉聖壽仰承大化踊躍之至倍萬恒情無任蹈舞欣

慶之至

禮部太上皇誥宜令皇帝即位賀表

順宗即位

臣某等言伏奉今日太上皇制命陛下即皇帝位光奉寶圖

丕承鴻業溥天率土慶躍難勝臣某等誠喜誠抃頓首頓首
臣聞皇建其極存諸大訓帝出于震著在易經繼明以照于
四方重熙以臨於萬國動植品彙永賴昭蘇山川鬼神咸用
欣戴臣某等獲備班列親仰聖明踊躍之誠倍萬恒品無任
抃躍喜慶之至

禮部賀立皇太子表

廣陵王
則憲宗

臣某等言伏奉今月二十四日制廣陵郡王宜冊為皇太子
改名某仍令所司擇日備禮冊命者天序有奉皇圖載寧臣
某等誠慶誠賀頓首頓首臣聞商書載以貞之文漢史傳早
建之議前漢文
帝紀不惟立愛其在繼明一本其
作期字陛下奉率前規
敷揚盛典顧茲守器之重爰正承華之位尊義方之教載錫
嘉名崇建樹之禮式光典命以長而立自符於慎擇必子之
選遂合于至公邦本不搖王業弥固此皆宗社垂祉啓佑皇
心乾坤合謀保安聖運是以播休氣於四海洽大和於萬靈
食毛含齒所同歡慶臣等奉承制命蹈舞周行踊躍之誠倍
百恒品無任慶抃感悅之至

禮部賀皇太子冊禮畢德音表

貞元二
年

臣某等言伏奉今日制皇太子冊禮云畢思與萬方同其惠
澤者盛典斯舉鴻恩遂行凡在率土不勝抃躍臣某等誠喜
誠賀頓首頓首伏惟皇帝陛下克奉神休以正邦統建天下
之本宗廟以安致萬國之貞兆人攸賴典冊既備慶澤載流
既廣愛而推恩亦好生而布德緩刑而囹圄知感進勳而嗣
續增榮崇教諭之方忠良是舉嚴贊襄之禮賜與有加一作
本
相旌孝悌以厚於人倫敬鬼神而修其祀事况行禮之日則
屏翳收蹟太陽宣精用彰出震之休更表重離之曜神化旁
暢皇風遠揚自華及夷異俗同慶臣某等謬參著定倍百恒

情無任懽慶踊躍之至

為王京兆皇帝即位禮畢賀表代王權 賀憲宗

臣某等言臣聞大人繼明百神所以受職天子有道萬國由是承風伏以皇帝陛下續聖垂休順時御極負宸而會朝夷夏及隱踐祚而統和天人幽明感通遐邇昭泰遂使祥光下燭嘉氣旁通周王謝流火之符魯史愧書雲之典食毛含齒權抃無窮臣某等幸覩昌時獲奉大慶踊躍之至倍萬常情無任蹈舞欣躍之至

代韋中丞賀元和大赦表代永州 刺史

臣某言伏奉正月二日制大赦天下永貞二年宜改元和元年太陽既昇煦育資始霈澤斯降膏潤無遺臣某誠慶誠賀頓首頓首伏惟皇帝陛下仁化旁流孝理弘闡紀元示布和之令肆眚見恤人之心曠然滌瑕得以遷善渙發大號申明

舊章農有薄征市無彊價動勤是錄爵秩以班寵寧聞於幽明澤必周於夷夏近甸輕權酷之入遠人忘水旱之災既行慶於官寮亦推恩於天屬諸生喜黌塾之廣庶老加絮帛之優量入所以備凶典康期於變俗爰褒有客尊賢之典惟新詩后頌有客謂王之後為客載奉素王宗子之道斯在說檀弓孔子曰綸言一降庶政畢行懷生之倫感悅無量臣某等守在遐遠親奉詔條踊躍之誠倍百恒品無任感恩抃舞屏營之至

禮部賀冊太上皇后賀表憲宗即位太上

臣某等言伏奉今日日誥良娣王氏冊太上皇后冊音妃有良娣良媛董氏冊太上皇德妃媛干宜令所司備禮冊命者母儀有光坤道克順陰教方行於萬國內理克和於六宮臣其等誠慶誠賀頓首頓首伏惟皇帝陛下對若天休奉揚睿旨長秋既登其正位長秋皇后所居此謂王后愉狄亦被於恩光愉音

服也禮記夫人倫 奉養見三朝之安禮記文王朝 周旋有四

狄此謂童德如 星之輔史記天官書後宮四星末 豈獨配乾稱大助日為明

所以表王化之源知孝悌之本冠映千古儀刑四方臣其等

捧戴施行踴躍無地無任蹈舞欣喜之至

禮部賀太上皇后冊畢賀表永貞元年

臣其等言今月日太上皇后冊禮云畢率土臣妾慶抃無窮

臣其等誠慶誠賀頓首頓首伏以太上皇后著虞嬪之至德

嗣周母之徽音表率六宮明彰萬國陛下克修理本以暢化

源神道知事地之方人倫識尊親之大豈惟婦順斯備陰禮

用修其以播正始於王風王一本 致時雍於帝典臣其等謬

塵榮位獲觀盛儀踴躍之誠倍百怕品百一本

賀皇太子代藩鎮賀廣 某言伏奉月日制書殿下祗膺茂典位副青宮青宮東宮也

方有宮青石為牆高二仞 温文光三善之名禮記

以青石碧若錢題曰天地長男之宮 羣方宅心含生之徒孰不欣戴况某夙蒙期獎職在藩方懼

抃之誠倍萬怕品

御史臺賀嘉禾表貞元中

臣其言今月日宰臣以幽州所進嘉禾圖各一軸示百寮者

伏以嘉穀順成靈貺昭格天人合應遐邇同風臣其誠懼誠

慶頓首頓首伏惟皇帝陛下睿謀廣運神化旁行植物知仁

祥圖應聖靈嶽不愆於贊祐燕谷用遂於生成鄒衍黍 豐稔

既均知朔南之被澤休嘉克叶見天地之同和六穗慙稱於

漢臣司馬相如封禪 異畝耻書於周典自中形外均慶同歡

臣其謬職憲司獲覩休瑞無任抃躍之至

禮部賀嘉禾及芝草表貞元中

臣某等言伏見今月某日內出劔南所進嘉禾圖及陝州所進紫芝草示百寮者珍圖煥開瑞彩交映遐迩偕至福應攸同臣某等誠慶誠賀頓首頓首伏惟皇帝陛下緝熙至道保合大和天惟發祥地不愛寶嘉禾擢實靈草抽英獻于王庭唐叔慙同穎之異尚書云薦諸郊廟班史謝連葉之奇前漢武九莖連葉既呈疑疑之祥盛貌又魚力切更覩煌煌之秀豐年斯著聖壽用彰飲和之人懽抃無極臣某等優游至化披翫殊姿慶抃之誠倍百恒品

京兆府賀嘉瓜白兔連理棠樹等表貞元

臣某言今月日中使王自寧出徐州刺史張愔暗把淫切張建封之子所進嘉瓜圖及白兔兒一并出陳許等州觀察使上官說所進許州連理棠樹圖示百寮者惟天眷命是降百祥惟聖欽承用膺多福臣某誠慶誠賀頓首頓首臣伏以大和所蒸至

德斯應圖物獻瑞周於遠方神瓜合形式綿表表之慶異棠連實用彰燁燁之榮一作休本况金風發祥白兔來擾告有秋之嘉應著成歲於神功雜遝紛綸深大合切雜深聚積之貌如山斯委人盡登於壽域物咸暢於薰風况臣特感深恩欣逢眾瑞踴躍之之至倍萬恒情

禮部賀甘露表貞元二十一年宗元遷禮部員外郎掌尚書牋表

臣某言中使王自寧至伏奉宣聖旨出延和殿前丁香樹甘露一大合示宰臣未時又出一大合令明日示百寮甘露見降未止者玄化升聞靈貺昭答必呈尤異之應以告天地之和臣某誠歡誠慶頓首頓首伏惟皇帝陛下均煦育之功敷滂瀉之澤大和潛達闕瑞克彰發於天霄特降宮樹朝光初燭方湛湛而不晞畏景轉炎更灑灑而未已綴葉而珠璣積耀盈器而冰玉呈姿芳襲椒蘭味兼飴醴飴音怡然則委於

庭而著異紀於年以標奇漢宣徒矜往辰孰並茲日况樹有
丁香之珍殿即延和之號所以著芳風之遠播期聖壽於無
疆事絕古今慶傳遐迩臣謬承渥澤獲覩殊祥抃躍之誠倍
萬倍品

禮部賀白龍并青蓮花合懽蓮子黃瓜等表一本此

京兆
恐非

臣某言伏見今月日內出滄洲所進白龍見圖又出西內定
禮池中青蓮花并神龍寺前合歡蓮子示百寮二十三日又
出益州所進合歡黃瓜圖者二氣交泰萬國同和動植思協
於殊祥遐迩畢陳其嘉應披圖按牒聖理彰明臣誠歡誠慶
頓首頓首伏以天地非遠睿感必通疊瑞重祥累集宮禁池
蓮表異靈化非常敷彼清光徵佛書而尤絕成其嘉實驗祥
經而甚稀積慶旁流自中徂外遂使龍騰白質乘秋果應於

金行瓜合黃中表聖更彰於土德遠通邊徼近出苑園合慶
同歡周於億兆况復邦畿之內雨露必時宿麥大穰嘉穀滋
茂和風孕育秀字靈氣陶蒸是皆發自帝心達於天意周
流升降成此歲功惠彼羣生自為嘉瑞臣某深惟多幸獲遇
斯時觀靈貺之備臻知人和之溥洽無任慶抃躍蹈之至

禮部賀白鵲表

臣某言伏奉進旨宣示前件白鵲者霜毛皎潔玉羽鮮明色
實殊常性惟馴狎臣聞聖王之德無所不至有感則應無幽
不通伏惟陛下恩霑動植仁洽飛翔故得茲禽呈休效質伏
以白者正色式表金方鵲以知來淮南式彰冠服用符歸化
之兆克耀太平之階臣職參禁垣獲覩嘉瑞無任慶抃之至

禮部賀嘉瓜表

臣某等今日內出浙東觀察使賈全所進越州山陰縣移風

鄉百姓王獻朝園內產嘉瓜一實同帶圖示百寮者實祚惟
新嘉瑞來應式彰聖德更表天心臣某等誠慶誠賀頓首頓
首伏惟皇帝陛下保合大和緝熙庶類德馨上達神化旁行
嘉瓜發祥來自侯服質惟同帶見車書之永均地則移風知
化育之方始雖七月而食豳土歌王業之難五色稱珍東陵
詠佳賓之會阮嗣宗詩昔聞東陵瓜近在青門外五色耀朝日嘉賓四而會未聞感通若斯
昭著者也臣某等遭逢聖運親仰珍圖抃躍之誠倍百恒品
無任慶悅之至

為王京兆賀嘉蓮表 王權

臣某言今日某時中使其奉宣聖旨出西內神龍寺前水渠
內合歡蓮花圖一軸示百寮者祥圖煥開異彩交映贊天地
之合德表神人以同歡臣某誠歡誠慶頓首頓首伏惟皇帝
陛下道協重華慶傳種德陶陰陽之粹美孕造化之精英吉

慶每見於天心發祥必自於禁掖是使雙華擢秀連帶垂芳

香灑大王之風影耀天泉之水沈約宋書文帝永嘉二十一年天泉池二蓮同幹煥

開宮沼旁映給園謂給孤獨園也靈貺應期天龍護聖寶曆

變超於小劫神功允洽於大千臣某獲覩昇平濫居榮寵聞

瑞應而稱慶仰緣事而增歡無任抃蹈喜躍之至

為王京兆賀雨表 一本表下

臣某言臣昨日面奉進旨以近日少雨今月內無雨即須祈

禱今日便降甘雨者天且不違神必有據密雲與綸言繼發

時雨將天澤並流臣某誠歡誠慶頓首頓首伏惟皇帝陛下

憂切蒸黎慮深稼穡思彼未兆防於無形滲漉每出於湛恩

變化必隨於廣運宸衷暫惕已矯御天之龍聖喜既宣遂洽

漏泉之澤霽霽對周布震徒威切霽對徒對切霽對雲貌霏微四施黍稷盡成公

私皆及野夫鼓舞知帝力之玄通官吏歡呼見天心之默喻

臣某牧人京邑動仰皇靈澤澤徒加道滴無助無任感悅屏
營之至

王京兆賀雨表二

臣某言臣伏見今月二十四日時雨溥降伏以聖心積念天
意遽廻移造化之玄功革陰陽之常數臣某誠慶誠并頓首
頓首皇帝陛下仁育蒼生恩同赤子自頃天雨未降時稼或
愆貶食齋戒至誠幽達又慮宿麥無備播種失時出於宸衷
特令賑貸時一本睿謨潛運甘雨遂周布濩垂陰隨聖澤而
俱遠滂沱積潤與恩波而共深臣某才術無聞謬司邦甸生
成必資於帝力進退何補於天工沐浴大和敷荷無極無任
慶躍屏營之至

王京兆賀雨表三

臣某言今月十三日面奉進旨緣自春來少雨宜即差官精

誠祈禱者十四日臣便差官分赴靈跡其日雲陰四合至十
五日甘雨遂降伏惟皇帝陛下言為神化動合天心未成旱
暵之虞已積幽勤之慮眾靈受職膏蔚且躋於南山舊鳥百
穀仰榮滂霈遂霑於東作去声左傳百睿暮朝降膏澤夕
周知天人之已交識陰陽之不測然則周王徒勤於方社殷
帝虛美於桑林豈若無災而早圖未禱而先應化超前聖道
貫重玄徧野同歡傾都相慶臣之欣躍倍萬恒情

王京兆賀雨表四

臣某言臣於二月二十九日奉進旨於諸靈跡處祈雨至二
十日甘雨遂降者臣聞惟聖者作先天不違發令而祥風已
興致誠而玄液旋被臣某誠欣誠賀頓首頓首伏惟皇帝陛
下側身防患道邁周王盡力勤人功超夏后聖謨廣運驅首
靈以從風神化旁行滋五稼而流澤油雲四合膏雨溥周農

壤遂一於肥磽與境同滂澆盡滄於遐迩蒸黎詠德知必自
於聖心草木欣榮如有感於皇化有年之慶實在於斯臣以
無能謬領京邑上勞宸慮運此歲功無任喜懼并營之至

賀親自祈雨有應表五州刺史作

臣某言臣得上都院官金部員外郎韓述狀報以時雨未降
親自於龍堂祈禱有靈禽羣翔自成行列如隨威鳳以翼龍
舟其日降雨者謝伏以時或憊陽歲之常候式當聖日無害
豐年陛下敦本務農憂人閔雨宸慮所至天心自通故得瑞
鳥迎舟掩商羊之舞家語齊有一足之鳥舒翼而舞仙雲覆
水協從龍之徵初泛酒於上官遂滂霈於率土自中徂外皆
荷生成雨公及私靡不碩茂殷后徒勤於自翦左氏春秋湯
以身禱於桑林翦其
髮割其爪以為犧周公空媿於舞雩周禮春官女巫巫
歲旱則舞雩臣以
庸虛謬司垣翰有年之慶惟聖之功臣某不任

卷終

增廣註釋音辯唐柳先生集卷之二十八

表

為裴中丞賀克東平赦表杜管觀察

臣某言伏奉月日德音以淄青蕩平褒功宥罪布告遐邇者

元和十四年淄青都知兵馬使劉悟斬其節度使李師道以
降師道所管淄青登萊沂密鄆曹濮齊兗海十一州皆平詔
赦天臣聞肅殺之後每致陽和雷霆既施必聞膏澤中伏惟

陛下體乾剛以運行叶坤元之翕闢百靈受職六合從風阻

兵怙亂者必就梟擒懷忠抱義者無不甄錄甄錄激其效順

特加旌節之榮謂以劉悟為
義成節度使寵以元功遂兼鼎鉉之任謂田

加檢校司徒同中
書門下平章事戎行窮賞賚之重即切死事極褒卹之憂

劫脅之役盡除聚斂之名皆去傷痍受煦吁老疾加恩豐

財已復其征徭賜種更盈於撞陸陸音童嚴山川之祀神必有

依申義烈之家物無不感周王推忠厚之化漢帝慙愷悌之

德

風太平之德斯為至盛一本作太平之業既然則虞巡可復

告成將慶於岱宗漢典方行講禮再榮於闕里後漢章帝過

行郡邑宣示軍戎莫不動地歡呼若醉千鍾之酒騰天鼓舞

如聞九奏之音趙簡子夢游均無任慶賀踊躍之至

柳州賀破東平表元和十四年

臣某言即日被觀察使牒李師道以月日克就臬戮者臬堅

帝德廣運唐命惟新靈臆廓清靈莫皆切伏惟睿文聖武皇帝

陛下威使百神德消六沴五行氣之相蕩曰沴音矣天降

寶運時歸太平自克夏擒吳翦蜀平蔡夏謂楊惠琳吳謂李

元殊類稽顙群疑革心唯此兇妖尚聞悖慢庭議既得廟謀

必臧謀一本旌旗燭耀於洪河金鼓震驚於靈岳東岳泰山鄆城

自潰寧同莒魯之爭鄆王問切唐鄆州東平郡左傳齊地悉

平無俟耿陳之戰耿古幸以光武詔耿奔討張步五兵永戢

七德無虧左傳武含生比堯舜之仁率土陋成康之俗介丘

霧息已望翠華之來文選南都賦沂水風生更起舞雩之詠

千歲之統實在於斯臣守在蠻荒獲承大慶抃躍之至倍萬

常情曷更有伏以舜念克勤禹思受益無疆惟郵既聞

代裴中丞賀分淄青為三道節度表裴行

臣某言伏見某月日制分淄青諸州為三道節度都團練觀

察等使者元和十四年分李師道所置十一州為二道以

道曹僕為一道淄青齊登萊為一道兗海沂密為一

道兗海沂密為一地豕之穴忽為樂郊氛沴之餘盡成和氣伏惟皇帝陛下

天付昌期神開寶曆復昇平之土宇按祚孽之根源自西自

東不違於指顧我疆我理咸得其區分山川備臨制之形道

途適征徭之便俾侯既定賜履以寧左傳信公十冊年齊晉

所賦履 異青究之封爰從古制解曹衛之地實契雅謀左傳
之界分 車甲永藏馬牛勿用俗被雍熙之化代知仁壽
曹衛之田轉九豆切 之期農事載盛於耨芟轉九豆切 儒風重興
於俎豆足使季札觀魯更陳南籥之儀左傳襄公二十九年
武象籥南籥者 山甫徂齊復正東方之賦詩 臣摠戎遠地不獲陪
賀闕庭云云

為韋侍郎賀布衣竇羣除右拾遺表韋夏卿所薦

臣某伏見今日日制除布衣竇羣右拾遺者臣聞直道之行
四方嚮德逸人是舉天下歸心中臣伏以竇群肥遯居貞苞
蒙養正學術精果操行堅明讚詠道真以求其志頃守藩服
特所委知及歸朝廷輒有聞薦度逃竊位之責以塞曠官之
尤豈謂天聽曲從瞽言無廢况諫諍之職政化是參擢於布
衣久無其比周行慶抃林藪震驚晦跡寧慮於遺賢懷才盡

思於展效臣以性本庸疎動無裨益唯思進拔以報恩榮區
區懇誠實貫金石言而不廢微臣敢竊於薦雄王音薦揚 德
必有鄰聖代式光於尊隗尊郭隗 自羣受命異復面陳迫以
疾病接於休假注心蓄念寤寐兢惶無任喜躍屏營之至

為樊左丞讓官表一本作韋左丞

臣某言伏奉今日二十八日制除臣尚書左丞寵命俯臨慙
顏自失泛大鯨之海但覺魂搖戴巨鼉之山未如恩重中臣
聞尚書百揆翊亮萬機故天上尊北斗中樞陛下有南宮左
轄晉昇孔坦諒直當時漢拜楊喬閑練故事庶得百寮有悛
於會府諸侯取法於京師臣實謏才謏先鳥 謏登清貫握蘭
起草昔素朝經剖竹頒條近貽人瘼備歷中外無聞聲彩版
圖載緝貢賦未均於九州銅印更換威儀不檢於三署次即
補缺豈易其人聖主求才宜難此受切謂旁求俊乂側訪瓌

奇變古切必使德合準繩言成綱紀興化致理時無間言况安
上必在於薦賢危身莫踰於曠職倘蒙垂收紫渙謂詔書也
非綏俯矜丹誠愚臣保陳力之言聖鑒有責成之地無任醜冒
惶悚之極謹詣朝堂奉表陳讓以聞臣所讓人別狀封進

為王戶部薦李諒表文

臣某言臣聞知賢必進忠臣之大方擇善而居明主之要道
况臣特受恩遇超絕古今報國之誠寤寐深切是敢竭愚臣
之微分助陛下之至明恢張羽儀弘輔治化臣某誠惶誠恐
頓首頓首切見新授某官李諒清明直方柔惠端信強以有
禮幹而甚文幹一本求之後來略無其比臣自任度支等副
使以諒為廵官未及薦聞至某月日荆南奏官勅下赴本道
諒實國器合在朝行臣之所知尤惜其去伏望天恩授以諫
官使備獻納其他日公卿之任斯焉取斯則聖朝無乏士之

名微臣綏蔽賢之罰無任誠懇屏營之至

為戶部王叔文陳情表

貞元二十一年王叔文母死世喪不發置酒翰林
自稱母疾病今當請急左右竊語曰母死已腐方
留此將何為

臣某言臣母劉氏今月十三日忽患暗風發動暗一本狀候
非常今雖似退猶甚虛憊都活步驚惶憂苦不知所圖臣唯
一身更無兄弟侍疾嘗藥難闕須臾伏乞聖恩停臣所職今
臣見在家扶侍其官吏等並已發遣訖臣以庸微特以願遇
拔自卑品委以劇司夙夜兢惶唯思荅效至誠至懇天曷所
知豈慮未效消塵遽迫方寸蜀徐庶指心曰今失老母方寸亂矣以開塞重輕
之務加焦勞憂灼之懷雖欲徇公無由枉志况忠孝同道臣
子之心許國誠切於死生報親忍忘於顧復進退窮蹙昧死
上陳無任惶懼懇倒嗚咽之至一本作昧死上陳狀母劉氏

無任
云云

代裴中丞謝討黃少卿賊表

元和十四年詔桂管觀察使裴行立討黃洞亦

臣某

云云即日奉事官米蘭迴伏奉手詔

云云者臣聞虜革

既平雖疥癬而必去

國語申晉曰夫齊豺狼已斃在狐鼠而

宜除臣某

謝伏惟元和聖文神武法天應道皇帝陛下受命

上玄底寧下土兇渠盡殄威武載揚蠢爾腥膻尚聞凌暴靈

旗斜指漢武帝代粵以壯荆益備日月北斗登龍為銅獸俯

臨

即以發兵三軍知必勝之方萬姓喜永清之路微臣忝司

戎律親列顏行

行戶即切前漢嚴助傳注顏躡伏波之舊規

光武時伏波將乘下瀨之故事

漢武帝元鼎五年遣伏波將軍馬援擊交趾

為下瀨將軍下瀨

善梧注甲故越人盡瘁事國期畢命於戈矛

不宿于家思奮身于原野即以今日某時出師就道便披榛

婦漢者也瀨難也吳越謂之瀨

蹶石摩壘陷堅

左傳宣公十一年蕩清海隅永息邊徼切以

才非充國敢自贊於無踰

前趙充國曰志慕孟公庶追蹤於

不伐

論語孟之諍承重委寤寐兢兢無任感恩墮越之至

為裴中丞奉人自代伐黃賊表

伏以其官器宇端方風姿詳雅謙虛內敏籌略共推前佐湖

南悉心匡佐後歷郡掾深負政聲惠愛在人姦邪屏息勤勞

已著幹蠱無倫今黃賊尚據荒陬犬巢未覆倘以其代某之

任必能掃蕩氛祲音分後子廓清海濱竊惟斯人雅堪

厥職

為崔中丞請朝覲表

杜管觀察崔謹

臣歷刺三州連總二府外任逾紀入覲無階就日望雲魂飛

心注伏惟睿聖文武皇帝陛下履載無私遐邇同致復昇平

之故事繼前聖之高蹤中外踐更出入迭用臣以虛薄叨受

恩榮徒竭夙夜之心未申朝夕之敬天威咫尺誠寤寐而無

違雲漢昭回固瞻仰而何及是以前在朗寧

及移臨桂桂州今星州星紀屢周微衷尚隔於戴盆積望徒懸於

窺管葵藿之誠弥切犬馬之戀逾深人欲天從於茲未驗下

情上達終冀不誣敢瀆宸嚴整陳丹懇伏乞賜臣除替許至

闕庭則蹈舜於羣寮備班行於散地足趨中禁目覩大明俾

成九族之榮以盡百生之幸非敢竊國賓五獻之禮周禮希

康侯三接之恩周易一覲龍顏萬死為足無任懇迫激切之

代柳公綽謝上任表元和六年為潭州刺史湖南觀察使

肅恭休命晨夜趨程祗荷寵私不遑寢食以月日到所部上

訖云云臣聞古之制爵祿者爵以居有德祿以養有功臣本

書生宦不期達值某皇帝睿皇帝文明撫運大闡玄猶搜采

衆才幸忝甄錄歷踐中外星霜屢移曾無消塵上谷鴻造忘

其薄陋委之雄藩顧無綏馭之能謬忝澄清之寄將何以敷

宣皇澤普諭天慈唯當察慝以為防視俗而為教蠲除細故

務安黎獻庶幾清靜無擾以慰遠人臣不勝忝冒荷恩之至

代李愬襄州謝上任表元和十年

捧對云云綸慙悻無地拜命兢悚不知所裁臣凡賤瑣才智略

無取幸賴先臣緒業李晟累忝國恩天澤曲流遂司節制寄

深分闡任重專征顧無將領之才謬處衆人之上豈謂宸私

軫念仁育為心需澤無涯德音屢降士衆感悅咸思竭忠遂

得潛師暗入賊境不意兇渠就戮吳元此皆云云豈敢叨大

以為己力仰荷殊造重於丘山臣以日月上田敷

化普諭聖慈綏撫三軍又安百姓莫以塵露上谷鴻私云云

代節使謝遷鎮表

鴻私曲臨獨越夷等祗荷明命寤寐不遑臣才非器能謬膺
仕進雖竭盡駑劣力效忠勤冀寡憊尤敢望官達其宗皇帝
德宗不以臣儒術淺薄超授禮官尋迂正即遂忝符郡某皇
帝順宗不遺臣小善擢處諫曹叨承厚恩備職藩翰顧惟瑣
劣多慙負恩伏遇陛下憲宗德紹唐虞無私庶政臣尸素歲
久譴謫宜加豈冀褒昇更遷重鎮再忝澄清之寄仍同獻替
之榮將何以上答天慈下安氓庶臣當務修農稼率勵遠人
鋤其姦慝以副勤郵無任云云

為劉同州謝上表或云劉公濟

臣某言伏奉某月日制除臣同州刺史兼本州防禦營田長
春宮使其月日到州上任訖臣初奉綸言震抃無極及臨所
部驚懼逾深投軀莫報於乾坤陳力無裨於造化臣某誠惶
誠恐頓首頓首臣出自諸生不習為吏有恆懦之質音臣懦

效也切

無區處之能託跡儒門之仲弓南面之德委身即署

闕馮唐論將之對常懼叨冒清列蕪穢聖朝豈意天聽忽臨
鴻恩荐及八命作牧一麾出守拔自下位寄之雄藩非臣庸
瑣所宜膺據况馮翊州密邇王都古稱三輔爰自近代命
秩逾崇有兵食之虞矣有宮室之制皆公卿出相出入由之仰
徵甲令俯窺圖記踣躅無地張云踣躅足切不伸也以兢以惶恩重
命輕不知所効庶當刻精運力一本作利夙夜祗勤上奉雍
熙旁流愷悌以日繫月儻或有成庶幾之心慄二增惕徒望
雲而就日喜近帝鄉將擊壤以成風共歌堯代天威咫尺敢
布丹誠無任惓惓屏營之至

代裴行立謝移鎮表穆宗時恐非

星言即駕便道之藩祗荷寵榮不敢寧息臣某爰自弱齡即
忝推擇階緣試吏累忝清資先聖憲宗以臣粗知兵要俾統師

徒交蛮俶擾黃賊不馴奉詔俾臣撲滅氛祲士眾賈勇賈音古
傳成公二年思酬渥恩勇者賈余餘之勇因此時得立微效豈謂時多疫
癘不副憂勤知臣特深復洗瑕責夙夜感戴捐軀有期徒增
憤勇力未從願微臣不幸曩故重重泣血摧肝載崩載咽陛
下禮宗龍興御極寰海永清道暢八埏延置二音威加九域
鴻和普洽靡不周泰伏蒙累垂休命遂越等夷循省何人過
膺抽擢况臣比臨此鎮備更夷險故材舊壤死在目前業行
為安高經略雖則殊鄉還同衣錦量巨鼇之力未足負恩猶
蚊蚋之微焉能報德將何以宣揚聖造撫慰疲羸唯當遵守
詔條貶棄奸慝平勻催賦示以義方持清淨以臨人守無私
以奉國重修前志再礪戈矛展駑駘之効申鷹犬之用庶荒
陬夷獠瓜盡沐皇風率土生靈備聞斯慶微臣之志
也限以云云

代韋永州謝上表

臣某言伏奉月日制書除臣永州刺史以月日到州上訖受
命若驚臨職弥懼臣以無能累更事任神州赤縣實所備嘗
過量逾涯每深兢惕不謂聖恩推擇濫駕朱輪祿秩徒增詎
施乳哺之惠服命虛受寧與襦袴之誼况此州地極三湘俗
參百越左衽居推髻之半推傳追切可墾乃石
左傳哀公十一年曠牧守於再秋弥驕獷俗獷音古猛
田之餘猶石田无所用之代征賦於三郡重困疲人分災本出於一時積弊遂
餘於十稔撫安未易知法出而姦生子育誠難懼力勞而功
寡夙夜憂切不敢違寧度當宣布天慈奉揚神化以日繫月
儻或有成少禔愷悌之風用蒼生成之造無任感恩殞越之
至

諸本此表首皆云伏奉三月十三日制除臣使持
前柳州諸軍守柳州刺史六月二十四日回任

早以文律參於士林德宗選於衆流擢列御史陛下嗣登寶
位微臣官在禮司百寮稱賀皆臣草奏臣以不慎交友旋及
禍訥張云訥許容切聖恩弘貸謫在善地累更大赦獲奉詔
追違離十年一見宮闕親受朝命牧人遠方漸輕不宥之辜
特奉分憂之寄銘心鏤骨無報上天謹當宣布詔條竭盡驚
蹇皇風不異於遐邇聖澤無間於華夷庶答鴻私以塞餘罪
云云

柳州謝上表貞元中代人作

臣某言伏奉詔書授臣柳州刺史以今月二日至部上訖謝
臣前歲以久停官秩去年蒙聖恩除替便欲裂裳裹足趨赴
京師以舊疾所嬰弥年未愈逮及今夏始就歸途襄陽節度

使于頓與臣早歲同官見臣嘗暑在道懇留在館尋假

職名意欲厚臣非臣所願伏惟陛下光被之德道以洽於區
中憂濟之勤心每徧於天下常以萬邦共理必藉於循良一

物不遺尚延於愚藐愚角切假臣龍渥重領方州駑駘復效
於奔馳枯朽更同於華秀謝中臣聞潢汚易竭抑有朝宗之願

犬馬無識猶知恋主之誠揣分則然惟天知鑒况臣昔因左
官侯書仕諸一紀于外子牟馳心於愧闕莊子中山汲黯積

思於漢庭豈非夫人獨無斯恋去就者榮辱之主朝廷者仕
進之源臣子之宜忠貞所志臣雖心同犬馬而分比潢汚幸

躡康衢意非往蹇臣之此誠口不能喻意欲悉達文非及言
此臣所以自咎自恨復乖志願猶冀苦心勵節上奉詔條惠

寡郵貧下除人瘼恭宣皇化少答鴻私不勝慌欣之至

荒傳雅
曰忘也

代廣南節度使李裝中丞自代表

或云當作桂中丞

前件官器宇深沉天才間出爰從撫字逮於察廉所職恪勤

庶務皆勸日者安南夷僚反叛害其連帥元和十四年安南

殺都護李象古及妻子官屬部曲千餘毒痛黎人痛切其皇帝以其威惠茂著

自某州刺史俾之撫臨是月憲宗以唐州刺史夙夜經行盡

除兵器賊徒識恩黨種歸義仲武至安南遣人災荒之

俗靡不底寧後改鎮容州穆宗長慶二年以仲勲效弥顯澄

清庶類邁德前修深負能名合遷重鎮臣自惟凡懦不逮前

人伏乞天恩廻授某非惟旌德是亦節能庶微臣免尸祿之

憂某獲無私之舉

奏薦從事表

某績茂戎軒才優管記操刀必割宜謝剽犀剽指充之轉二

落筆不休寧斬倚馬世說桓宣武北征表現從行時破責免

俄得七紙况早登科選夙洽時譚匪惟詞藝雙美抑亦器能

多適比於流輩頗為滯淹輒敢薦陳伏希獎錄

代廣南節使謝出鎮表

元和四年鄭細

鴻霽曲臨惶駭交集捧對綸綍不知所圖臣謝臣聞蕭曹佐

漢六合為家顛望匡周萬方同軌臣幸以芻蕘累忝殊榮天

德存臨遂加台政不能翊宣明聖增日月之光俾兗渠勦絕

勤好人用康寧寔由臣不稱職使此艱患伐檀興議負乘招

幾常懷覆餗之虞餗音敢望專征之寄獻俘未遠展効有期

為揚湖南謝設表

貞元十八年揚州

臣某言中使某乙至奉宣聖旨賜臣長樂驛設者恩榮特殊

宴飲斯及顧茲厚禮猥集微躬臣某誠歡誠慶頓首頓首臣

以多幸屬此昌時任重方隅職忝文武甘受素餐之刺知無
肉食之謀左傳莊公十年曹劌曰肉食者鄙未能遠謀以憂以惶寢寐無措豈謂
鴻恩繼至豐腴爰來陸海兼陳飽醴皆設本庶當奉揚
聖澤覃布遠人流愷樂於皇風均乳哺於赤子少陳徽效上
答殊私無任感恩欣躍之至

為武中丞謝賜櫻桃表武元

臣某言中使某乙至奉宣聖旨賜臣櫻桃若干者天睠特深
時珍游降寵驚里巷恩溢圓方臣某誠喜誠懼頓首頓首伏
以含桃之羞時令收貴月令仲夏羞以含桃況今採因御苑分自天厨
使發九霄集繁星而積耀味調六氣承湛露而不晞盈背而
外被恩光皆疾智才諸適口而中含溼澤顧慙素食弥切自
公豈圖君子所先遂馱小人之腹左傳昭公二十八年願以
馱而巳馱無任云云

祇荷寵私辱無地三神空又亦
偷榮歲時不能少
艱難未息合更
載之厚不循典俾同
夕惕裁縫而為衣服固可畫行內省
謝賜端午綾帛衣服表

綸言曲臨寵服存至
效微涓滴叨承大
節御府賜衣沐聖澤而溟海方深被仙衣而
向闕踴影望天懸分五嶺之

增廣註釋音辨唐柳先生集卷之二十八

增廣註釋音辨唐柳先生集卷之二十八



